

續金華叢書



續金華叢書



樵雲獨唱詩集卷之五

續金華叢書

六言

秋暮田園雜興

酌酒滿斟自適柴門雖設常關與老爲期白髮相看無厭青山
峰頂雲閒懶出松邊鶴去應還獨步秋風頂上興來聊盡吾歡
春郊卽景

微雨弄晴天氣輕寒釀暖時期柳外涼颺滿袖花邊香露沾衣
沙溪清隱

繞屋一灣水綠迎軒數朶峰青沙路鷗盟新定雲松鶴夢初醒
幽居卽事二首

吟坐半窗殘照琴牀一枕閑雲塵外興懷有味世間姓字無聞
騎牛過白雲嶺放鶴出翠松關樵唱偶過一曲清聲直度千山

九日寄興三首

庚申歲

故侶無心送酒老翁有意留題舊日龍山佳會如今風雨淒淒

白髮淒涼舊里黃
花冷落東籬西望夕陽歸路淡烟衰草堪悲
黃菊香殘夜雨烏紗醉落秋風回首十年舊事亂雲流水西東

月夜梅邊卽事

香裏寒雲滿溪月
明津渡人迷夢入江南舊路夕陽流水橋西
送阮師真之宣城

江東日暮雲間敬亭千古高寒若見謝公傳語沈郎依舊衣寬
送人侍父入吳

生子似李亞子不然如孫仲謀景升諸郎豚犬焉能侍父遠遊
與故人敘別

六尺形軀銷瘦十年故舊西東試問市橋官柳別來幾度春風
遊北山諸峰

水泠泠兮樂奏風細細兮鸞吟月隨人而有意雲出岫以無心
山嶙峋兮北邁水烏咽兮東流欲尋源而遠去思絕世以無求
紉芝蘭之環佩葺薜荔之裳衣躡煙雲而高蹈世與我以相違

折南澗之芳芷採西山之嫩薇贈佳人兮爲好與握手兮同歸

時苗留犢圖

楊子

平生四畏劉郎臨別一錢甚矣時君留犢審觀三老孰賢

題王壽卿烟雲疊嶂圖

一百八盤山路七十二峰曉寒日暮煙橫谷口雨餘雲宿松端

題李克明翁媼起家圖

一翁以指就醕食內取醯吮之嘗其味之美惡一媼持星火吹燈備諸窮態

迺叟宵衣製醕厥妻忘寢治燈辦此難成家業遺彼不識玄會

七言絕句

墨梅爲陳羽士賦

一聲橫玉嶺雲飛夢裏羅浮憶舊時何事天然冰雪貌薄搽鉛粉著緇衣

寒雲重疊鎖西湖路入孤山半有無見說林逋消息斷暗香衰歇影模糊

夕陽多處礙雲枝幾見孤山月落時今日不堪回首望暮烟寒靄洗

瓊肌

曾在瑤臺月裏逢
冰魂飛下廣寒宮
香銷粉淡秋容老
落日孤山怨晚風

冷淡疎花一兩枝
蠻煙瘴雨正淒迷
分明記得江南路
滿屐閒雲過竹溪

含章簾下昔年遊
玉笛橫吹月滿樓
近日南枝香影淡
村村烟雨使人愁

題隆上人紅梅軸

殘雪消遲日未融
玉顏得酒醉春風
脂寒粉冷黃昏後
回首羅浮舊夢空

題張野雲墨梅卷

黃昏風雪暗緇衣
誰識江南舊玉妃
惟有夜深江上笛
夢魂猶記月邊吹

丙午端陽感懷

獨醒自笑酒杯空
少日歡娛迥不同
惟有小園榴萬朶
開花猶勝去年紅

予近七旬丙午歲後視聽漸艱賦呈無見觀無聞聰二上人
與老無期老漸侵盲聾衰態日相尋情知不用求聞見聽色觀聲自
有心

民間夏稅赴建德輸納實收未回吏徵之急賦二絕呈縣官
國用軍儲敢後期野人非是故遲遲烟波渺渺斜陽外一片征帆未
得歸

麥舟之惠望人難幸自傾囊已納宮水閣山長歸路迴短篷撐月未
曾還

芳郊行樂時州郡禁酒

杏花凝笑似當時祇欠春風颺酒旗舊日牧童口口口杖頭空掛百
錢歸

春曉

數點滋花雨未乾弄晴紅日上闌干杏花梢上風微動著意吹人也
不寒

月窗對客賦燈

頻爇蘭膏照讀書苦心香焰結花遲短檠莫訝清光小終有輝天鑑
地時

題仙翁遠遊圖

羽扇芒鞋白接離天風吹袂過前溪小橋流水斜陽外直到葛洪丹
井西

聽琴

五更霜重秋山鶴一派風清玉澗泉鍾子已仙知者寡遺音無和可
無絃

漁汀值雨

兩岸蘆花秋颯颯一汀風雨晚颼颼扁舟不管蓑衣濕獨棹斜陽過

別洲

春日書所見

白馬青袍美少年
醉拈金彈出人前
誰知未遇江南客
笑倚東風寂寞眠

贈隱士

山上高人懶記年
眼觀時事口無言
春風庭院人來少
自種碧桃花滿園

夏夜

枕石眠雲夜氣清
濕螢飛草腐流金
天風忽地拉明月
吹落長松萬丈陰

九日過李從道舊房

景物荒涼事已非
秋風頻起故人思
黃花滿目東籬下
細讀先生九日詞

寒夜卽事

紙帳蒲團困欲眠
地爐無火正蕭然
一聲羌笛寒雲外
月上梅梢夢未圓

未圓

幽居

青山深處更青山家在青山杳渺間
莫笑野人居處穩紅塵多處著身難

讀姜伯約傳

諸葛奇君語不虛區區黃皓豈相知
當時早用將軍計劉氏山河未便危

端午日有感戲書

西舍東鄰飲濁醪紛紛兒女競相高
獨醒自笑誰來顧掃地焚香讀楚騷

病瘡痂

艾炙湯燂祇自勞通身是鐵也應消
麻姑去後無消息我欲呼來痒處搔

春日邀賓會飲二絕

梨花躍日千株雪。楊柳綠風萬縷。烟樽酒相邀。茅屋底也勝歌舞。綺羅筵。

含烟嫩柳嬌。呈綠過雨天桃淺。試紅明月山亭一尊酒。邀君來共醉春風。

題赤松宮道士趙石泉松花集後

前輩風流不可追。石泉骨冷已多時。惟遺一冊松花集。寫出胸中不盡奇。

長笑金華趙石泉。爲儒爲佛復爲仙。饒君變幻千般妙。不出松花這一編。

題潯陽商婦琵琶圖

江州司馬昔年遊。淚濕青衫有甚由。男子平生心似鐵。未因商婦起閑愁。

寄杜清叟琴士

傳家誰得似斯人。老杜詩篇小杜琴。好把開元憂國句。盡情彈出與

知音

謝章仲亨惠松花餅

飽食松花倦只眠不圖却老不延年雖然妙訣無多子儻遇王公且莫傳

春風和蜜糝香塵遠寄山家意甚真兒女莫貪滋味好大夫元是苦心人

琴士王雲巖見訪次予寄杜清叟韻因和二絕呈之

才思何殊晉宋人也能詩句也能琴自憐雲顙無能者只會無絃指外音

林邊相值兩閑人彈出秋風石上琴野鶴舞風翻凍影吟猿啼月度清音

讀漢史高祖用魯公禮葬項羽而命其舊臣名籍二者俱失愚

因論之

用公禮葬虧王制以籍名臣失舊恩二者後先皆錯亂漢高無法示

兒孫

延祐丁巳陳國賓出奇石數枚曰石羊石兔石魚石雁石雞石
烏石蟠桃時彥咸賦詩予亦爲賦七絕

石上羣仙奏碧簫羣羝痴懶臥雲腰只愁日暮無人牧偷食滿山黃
犢苗

右石羊

彈鋏歸來恨正濃季鷹魂夢繞秋風西江後夜應堪笑頻悞漁翁釣
月中

右石魚

玉杵春香事已空輕將香骨墜蟾宮平堤淺草秋風夜笑殺姮娥月
下逢

右石兔

江南燕北路漫漫影礙蘆花瘦骨寒那得帛書天外寄錯教人倚玉
闌干

右石雁

玉冠金距儼如新舊日劉琨見亦驚若遇夜深茅店月羞教寂寞下
重城

右石雞

更無魂夢繞枝飛那得心情帶月栖千載姑蘇臺上路怕人哀怨不

曾啼

右石鳥

辜負劉郎一世雄東風應亦謝無功天然一種春風恨結在瑤池碧

玉中

右石蟠桃

水墨孤雁圖

哀鳴和月落平沙萬里烟雲獨夢家應是衡陽歸陣速故遺秋影伴
蘆花

次何道士拾苦橙韻

費盡羚羊擊不摧夕陽樹下委莓苔山翁拾向寒灰裏一笑甜從苦
處回

予項強痛不可屈伸戲成

氣節平生似石堅折腰不愧晉高賢近來又喜頭難屈添得聲名類
董宣

送新蟹濁醪與盧茂卿

霜重吳江蟹正肥牀頭小瓮熟新醅情知免被盧郎笑左手持螯右

執杯

七月十五夜玩月

蒲萄棚下三更月
菡萏亭前半夜秋
無限天香滿人世
此身疑在廣寒遊

冬日邀叔道晨飲

歲晏山空景物非
江湖朋舊亦多遺
抱琴不識能知否
杯酒相看話昔時

九日無酒戲題

烏帽斜欹夕照邊
江村新霽欲霜天
白衣人去秋光老
凝望東籬眼爲穿

題虎溪三笑

水清沙白虎溪頭
笑遏寒雲凝不流
底事俗人知雅意
莫非六耳不同謀

書懷

蟻穴王侯夢裏封
蠅頭名利眼中空
何如雲顚無心坐
葉落花紅總是功

元夕鰲山

燦燦金蓮開閬苑
熒熒火樹耀瀛洲
芳塵不動香風細
人在神仙洞府遊

白荷花二首

水宮仙子出瑤池
綃袂霓裳玉雪肌
舞罷湖山山月側
露寒香重酒醒時

玉簪承露三更月
翠蓋迎風萬柄秋
試浴溫泉淡妝束
粉容香質越風流

次王誠翁遊洞天韻

兩屐烟霞上翠微
天風香襲芰荷衣
石泉落澗朱絃響
驚起松梢白鶴飛

三洞雲烟接太微
芙蓉空口口人衣
紫簫聲斷秋雲冷
猶想乘鸞跨鶴飛

鵠飛

讀漢書至孝獻有感

四百年間事可吁幾番興盛幾番衰漢高也是無思算爭得乾坤付
託誰

讀三國志劉先主傳

炎祚衰微國已墟劉郎當此合長驅憑誰說與王夫子問舍求田計
頗愚

書杜牧詩後

折戟沈沙事有由未因二女動戈矛東風不與周郎便吳蜀焉能五
十秋

讀楊子雲傳

不耽勢利遠豪權白髮區區草太玄何事委身臣莽日甘心投閣污
餘年

宿智者草堂